



ЛЕНИНЭНЬ КИЯВА

1941 ие
И Ю Н Е Н Ь
24-це чи
70 (1366) №

ЛИСИ: 11-це ие,
12 № ковс

ВЛКСМ-нь Мордовской обкомонтъ ды Саранск ошонь комитетэнтъ газетаст

СССР-нь Совнаркомонь Председателень Заместителень ды Иностранной Тевтнень Народной Комиссаронтъ Молотов ялганть 1941 иень июнень 22-це чистэ радио вельде выступлениязо

СОВЕТСКОЙ СОЮЗОНЬ ГРАЖДАНТ ДЫ ГРАЖДАНКАТ!

Советской правительствась ды сонзэ прятось Сталин ялгась мерсть монень яволявтомс вана мезе:

Течи, валске 4 чассто, Советской Союзонтень кодаткак претензиянь апак тее, войнань апак яволявто, германской войскадне каявсть минек масторонтъ лангс, ламонь таркасо атаковизь минек границатнень ды бомбардировизь эсест самолетнэстэ минек оштнень — Житомирэнтъ, Киевентъ, Севастополентъ, Каунасонть ды кой-кона лиятнень, тень лингстэ маштозь ды ранязь 200 ломанде ламо. Вражеской самолетнэнь налетост ды артиллерийской леднемасть ульнестъ теезь истя жо румынской ды финляндской территориятнэстэ.

Минек масторонтъ лангс те амарсевикс нападениясь ашти цивилизованной народтнэнь историяст беспримерной вероломствакс. Минек масторонтъ лангс нападениясь теезь, сень лангс апак вано, што СССР-нтъ ды Германиянтъ ютксо теезь договор ненападениядо ды Советской правительствась весе добросовестностентъ марто топавтсь те договоронтъ условиянзо. Минек масторонтъ лангс нападениясь теезь, сень лангс апак вано, што те договоронтъ действиянзо весе шканть перть германской правительствась вестькак не мог теемсвейкеяк претензия СССР-нтень договоронтъ топавтоманзо коряс. Советской Союзонтъ лангс те разбойничьей нападениянтъ кис ответственностесь целанек ды допрок пракшны германской фашистской правительтнень лангс.

Уш теевезь нападениядонть мейле Московсо германской посолось Шуленбург валске 5 чассто 30 минутасто тейсь монень, прок Иностранной Тевтнень Народной Комиссаронтень, эсензэ правительстванть пельде яволявтомаседе, што германской правительствась решась сыргамс СССР-нтъ каршо война марто восточной германской границанть вакссо Якстере Армиянтъ частнень пурнаваноманть кувалма.

Тень лангс ответэкс мон Советской правительстванть пельде яволявтынть, што меельсь минутанть самс германской правительствась эзь тейне кодаткак претензият Советской правительствантень, што Германиясь тейсь СССР-нтъ лангс нападения, Советской Союзонтъ миролюбивой позициянзо лангс апак вано, ды што теньсэ самай фашистской Германиясь ашти нападающей ёнксокс.

Советской Союзонь правительстванть поручениянзо коряс мон должен истя жо яволявтомс, што вейкеяк пунктсо минек войскадне ды минек авиациясь эзь тейне границань коламот ды секс румынской радионтъ течи валске теезь яволявтомасо, што було бу советской авиациясь леднинзе румынской аэродромтнень, ашти допрок кенгелемакс ды провокациякс. Истямо жо кенгелемакс ды провокациякс ашти Гитлерэнь течинь декларациязо, кона снартни ютазь числасо стряпаямс чумондомань материал седе, што було бу Советской Союзось а топавты советско-германской пактонть.

Ней, зярд Советской Союзонтъ лангс нападениясь уш теезь, Советской правительствась макссь минек войскадне-нень приказ—отбить разбойничьей нападениянтъ ды панемс германской войскадне минек родинань территориястонтъ.

Те войнанть минек каршо сыргавтызь аволь германской народось, аволь германской рабочейтне, крестьянтнэ ды интеллигенциясь, конатнень майсемаст минь вадрясто чарькодъсынек, но Германиянь кровожадной фашистской правительтнень кликась, конат поработили французтнэнь, чехтнень, поляктнень, сербтнень, Норвегиянтъ, Бельгиянтъ, Даниянтъ, Голландиянтъ, Грециянтъ ды лия народтнэнь.

Советской Союзонь правительствась ёвты пек покш кемема сеньсэ, што минек доблестной армиясь ды флотось ды Советской авиациянь смелой соколтнэ топавтсызь долгост родинанть икеле, Советской народонтъ икеле, ды теить сокрушительной вачкодъкс агрессоронтень. 140

Аволь васенцеде минек народонтень савкшны ветямс тев нападающей зазнавшейся врагонть марто. Эсь шкасто Россияв Наполеононь походонтъ лангс минек народось отвечась отечественной войнасо ды Наполеоннэнь теевсь поражения,

сон пачкодсь эсензэ крахонтень. Теке жо карми улеме зазнавшейся Гитлер мартояк, кона яволявтсь од поход минек масторонтъ каршо. Якстере Армиясь ды весе минек народось одс кармить ветямс победоносной отечественной война родинанть кис, честентъ кис, свободанть кис.

Советской Союзонь правительствась ёвты покш кемема сеньсэ, што минек масторонь весе населениясь, весе рабочейтне, крестьянтнэ ды интеллигенциясь, цёратне ды аватне эрявикс сознания марто кармить топавтомаседе эсест обязанност, эсест трудост. Весе минек народось должен улемс сплоченнойкс ды единойкс, кода зярдояк арасель. Эрьвась эйтэнек должен требовамс эсь пельдензэ ды лиятнень пельде дисциплина, организованность, самоотверженность, кона достойной алкуксонь советской патриотонтень, штобу топавтомс Якстере Армиянтъ, Флотонтъ ды авиациянтъ весе нуждатнень, штобу обеспечить врагонть лангсо победанть. Правительствась терди тынк, Советской Союзонь граждант ды гражданкат, еще седеяк кеместэ пурнамс эсь рядтнэнь минек славной большевистской партиянтъ перька, минек Советской правительстванть перька, минек великой вождентъ Сталин ялганть перька.

Минек тевенек виде. Врагось ули тапазь. Победась ули минек.

СССР-нь Верховной Советэнь Президиумонтъ Указозо

Ленинградской, Прибалтийской особой, Западной особой, Киевской особой, Одесской, Харьковской, Орловской, Московской, Архангельской, Уральской, Сибирской, Приволжской, Северо-Кавказской ды Закавказской военной округтнева военнообязаннойтнень мобилизациядо

СССР-нь Конституциянь 49-це статьянь «л» пунктонтъ основаниянзо коряс, СССР-нь Верховной Советэнь Президиумось яволявты мобилизация истяг военной округтнень территориясост—

Ленинградской, Прибалтийской особой, Западной особой, Киевской особой, Одесской, Харьковской, Орловской, Московской, Архангельской, Уральской, Сибирской, Приволжской, Северо-Кавказской ды Закавказской. Мобилизацияс саявить военнообязаннойтнэ, конат чачсть 1905 иестэнтъ 1918 иес шкастонтъ влючительна.

Мобилизациянь васенце чике ловомс 1941 иень июнень 23-це чинть.
СССР-нь Верховной Советэнь Президиумонь Председателесь М. КАЛИНИН.
СССР-нь Верховной Советэнь Президиумонь Секретаресь А. ГОРКИН.
Москов, Кремль. 1941 иень июнень 22-це чи.

СССР-нь Верховной Советэнь Президиумонтъ Указозо

СССР-нь башка таркатнесэ военной положениянь яволявтомантонть

СССР-нь Конституциянь 49-це статьянь «п» пунктонтъ основаниянзо коряс яволявтомс военной положения Архангельской областсэнтъ, Белорусской ССР-сэнтъ, Вологодской областсэнтъ, Ивановской областсэнтъ, Карело-Финской ССР-сэнтъ, Калининской областсэнтъ, Краснодарской крайсэнтъ, Крымской АССР-сэнтъ, Курской областсэнтъ, Литовской ССР-сэнтъ, Латвийской ССР-сэнтъ, Ленинград ошсэнтъ ды Ленинградской областсэнтъ, Молдавской ССР-сэнтъ, Мурманской областсэнтъ, Москов ошсэнтъ ды Московской областсэнтъ, Орловской областсэнтъ, Ростовской областсэнтъ, Рязанской областсэнтъ, Смоленской областсэнтъ, Тульской областсэнтъ, Украинской ССР-сэнтъ, Эстонской ССР-сэнтъ ды Ярославской областсэнтъ.

СССР-нь Верховной Советэнь Президиумонь Председателесь М. КАЛИНИН.
СССР-нь Верховной Советэнь Президиумонь Секретаресь А. ГОРКИН.
Москов, Кремль. 1941 иень июнень 22-це чи.

СССР-нь Верховной Советэнь Президиумонтъ Указозо

Военной положенияс яволявтозь таркатнесэ ды военной действиянь районтнэсэ военной трибуналтнеде Положениянтъ неместамодо

1. Кемекстамс военной положенияс яволявтозь таркатнесэ ды военной действиянь районтнэсэ военной трибуналтнеде Положениянтъ.
2. Военной положенияс яволявтозь таркатнесэ ды военной действиянь районтнэсэ военной трибуналтнэсэ тевтнень ванкшномань невтезь Положениянтъ

11-це ды 12-це статьясонзо тешкстазь порядокось нолтнени тевс ССР-нь Союзонь Юстициянь Народной Комиссаронтъ ды ССР-нь Союзонь Оборонань Народной Комиссаронтъ вейсэнъ приказсост ССР-нь Союзонь Народной Комиссаронтнэнь Советэнтъ разрешениянзо коряс.
СССР-нь Верховной Советэнь Президиумонь Председателесь М. КАЛИНИН.
СССР-нь Верховной Советэнь Президиумонь Секретаресь А. ГОРКИН.
Москов, Кремль. 1941 иень июнень 22-це чи.

ВОЕННОЙ ПОЛОЖЕНИЯДО СССР-НЬ ВЕРХОВНОЙ СОВЕТЪНЬ ПРЕЗИДИУМОНТЬ УКАЗОЗО

1. Военной положениася СССР-нью Конституциянь 49-це статьянь «п» пунктонтъ коряс яволютивни башка таркатнесэ или весе СССР-ганть СССР-нью оборонанть интереснесэ ды общественной порядоконтъ ды государственной безопасностенть обеспечениаст туртов.

2. Таркатнесэ, конат яволютозъ военной положениас, оборонань, общественной порядоконтъ ды государственной безопасностенть обеспечения тевсэнь государственной властень весе функцияне максовить фронтнень, армиянень, военной округтень военной советнень, тосо жо, косо арась военной совет, — войсковой соединениатнень высшей командованиянень.

3. Таркатнесэ, конат яволютозъ военной положениас, военной властнень (2-це пунктось) максови права:

а) уликс законтнень ды правительствань постановлениатнень коряс таргашномс граждантнень трудовой повинность оборонной роботатнень топавтоманть туртов, сообщениян китнень, сооруженийтнень, связень средстватнень, электростанциятнень, электросетнень ды лия сехте важной объектнень ванстоманть туртов, пожартнень каршо, эпидемиятнень ды стихийной бедствиятнень каршо бороцямосонтъ участиянть туртов;

б) аравтнемс военно-квартирной обязанность войсковой частнень ды учреждениятнень расквартированиянть туртов;

в) яволютивнемс трудовой ды автогужевой повинность военной надобностнень туртов;

г) тейнемс транспортной средстватнень ды оборонань нуждатнес эривике лия имуществованть сайнема кода государственной, общественной ды кооперативной предприятиянть ды организациятнень кедьстэ, истя жо башка гражданинень кедьстэ;

д) регулировамс учреждениятнень ды предприятиянть, тень ютксо театратнень, кинотнень ды лиятнень роботань шкаст, эрва кодат собраниятнень, шествиятнень организовамаонтъ ды лият; а меремс появашномс ультянеэ определенной шкадо мейле, ограничивать уличной движениянть ды истя жо тейнемс эривике случайностэ подозрительной ломатнень объект ды кирдемат;

е) регулировамс торговлянтъ ды торговли организациятнень роботаст (рынок, магазин, склад, общественной питаниянть предприятия), коммунальной предприятиянть роботаст (банят, прачечнойть, парикмахерскойть ды лият) ды истя жо аравтнемс населениатнень продовольственной ды промышленной товарнень нолдамонь норма;

ж) а меремс военной положениасо яволютозъ таркатнес сакшноманть ды сынт эйтэ тукшноманть;

з) выселять административной порядоксо тарканть пределтнестэ, кона яволютозъ военной положениас или сонэ башка пунктнестэ ломатнень, конат лозовь социально-опасной, кода эсест преступной деятельностью коряс, истя жо преступной среданть марто связтнень коряс.

4. Весе вопростнень коряс, конат тешкстэзъ те Указонтъ 3-це пунктсонзо, военной властнень ули праваст:

а) нолдтнемс весе населенианть туртов обязательной постановлениат, аравтнемс неть постановлениатнень а топавтоманть кис наказания административной порядоксо 6 ково аволь седе ламо срокс пекстамо марто или 3 тыща целковойде аволь седе ламо штрафс;

б) макснемс распоряжения властень местной органтанень, государственной ды общественной учреждениятнень ды организациятнень ды вешемс пельдест безусловной ды сеске жо топавтома.

5. Государственной властень весе

местной органтань, государственной, общественной учреждениятнень, организациятнень ды предприятиянть обязаннойть макснемс весе лексэнтъ военной командованиянть те таркань виитнень ды средстватнень масторонть оборонань нуждатнес ды общественной порядоконтъ ды безопасностенть обеспечениянть нуждатнес.

6. Военной властнень распоряжениянень ды приказтнень неподчиненианть кис, истя жо преступлениатнень кис, конат теэзъ таркатнесэ, конат яволютозъ военной положениас, чумотне таргавить уголовной ответственность военной шкань законтнень коряс.

7. Судтнесэ уголовной тевтнень ванкшноманть улик правилатнень лиякстомас, таркатнесэ, конат яволютозъ военной положениас, весе тевтне преступлениатнеде, конат нолдазь оборонанть каршо, общественной порядоконтъ ды государственной безопасностенть каршо, максовить военной трибуналтнень ванкшномас, именна жо:

а) тевтне государственной преступлениатнеде;

б) тевтне преступлениатнеде, конат тешкстэзъ общественной (социалистической) собственностенть ванстомадо 1932 нень августонь 7-це чинь законсонть;

в) весе тевтне преступлениатнеде, конатнень теизъ военно-служащейте;

г) тевтне разбойденть (РСФСР-нью Уголовной Кодексэнь 167 статьянь ды лия союзной республикань Уголовной Кодексэнь соответствующей статьяне);

д) тевтне умышленной маштнематнеде (РСФСР-нью Уголовной Кодексэнь 136—138 статьяне ды лия союзной республикань Уголовной Кодексэнь соответствующей статьяне);

е) тевтне пекстамо таркасто ды стража экшэзъ насильствена олякстомань (РСФСР-нью Уголовной Кодексэнь 81-це статьянь ды лия союзной республикань Уголовной Кодексэнь соненэ соответствующей статьяне);

ж) тевтне всеобщей воинской обязанностенть топавтомань эйтэ уклонениянть (РСФСР-нью Уголовной Кодексэнь 68-це статьянь ды лия союзной республикань Уголовной Кодексэнь соненэ соответствующей статьяне) ды властень представителитнень сопротивлениянть (РСФСР-нью Уголовной Кодексэнь 73, 73¹ ды 73² статьяне ды лия союзной республикань соответствующей статьяне);

з) тевтне оружиян аволь законной рамамодонтъ, миамодонтъ ды ванстомадонтъ, ды истя жо оружиян саламодонтъ (РСФСР-нью Уголовной Кодексэнь 164 а, 166 а ды 182 статьяне ды лия союзной республикань Уголовной Кодексэнь соответствующей статьяне).

Тедэ башка, военной властнень максневи права макснемс военной трибуналтнень ванкшномас спекуляциядо, злостной хулиганстадо ды лия преступлениатнеде тевтнень, конат тешкстэзъ союзной республикатнень Уголовной Кодексэст, бути командованиясь ловсы тень эривикэкс военной положениань обстоятельствованть коряс.

8. Военной трибуналтнестэ тевтнень ванкшномас ютавтневи правилатнень коряс, конат аравтозъ «Военной действиян районтнестэ военной трибуналтнеде Положениясонть».

9. Военной трибуналтнень приговортнэ кассационной обжалованиатнень а савкшныть ды могут улеме полавтозъ или лиякстомтозъ ансяк надзоронь порядоксо.

10. Те Указось нолдавкшны истя жо сеть таркатнескак, косо чрезвычайной обстоятельствованть кувалма арась СССР-нью государственной властень ды государственной управлениянть местной органт.

ЯКСТЕРЕ АРМИАНЬ ГЛАВНОЙ КОМАНДОВАНИЯНТЬ СВОДКАЗО

1941 нень июнень 22-це чистэ

1941 нень июнень 22-це чинть ашолгада шкане германской армиянть регулярной войскане атаковизь минек пограничной частнень Балтийской морянтъ эйтэ Черной морянтъ витьс фронтсонть ды чинь васенде пелькстэнтъ кирдсть эйсэст. Чинть омбоце пелькстэнтэ германской войскане вастовсть Якстере Армиянть полевой войсканть передовой частнень марто. Пек виев бойтнеде мейле противникесь панезь покш ёмакс марто. Ансяк Гродненской ды Кристинопольской направлениянесэ противникентень удалась теэмс аволь покш тактической ус-

пехть ды саемс Кальвария, Стоянув ды Цехановец местечкатнень, васенце кавотне 15 километрань таркасо ды мельдесэ 10 километрань таркасо границанть эйтэ.

Противникень авиациясь атаковизе зыря минек аэродромтнень ды населенной пунктнень, но эрва косо вастнине минек истребительтнень ды зевитной артиллериянть решительной отпорост, конат тейнесть покш ёмакст противникентень. Минь тапинек противникень 65 самолет.

Радио вельде Черчиллень выступлениазо

Лондон, июнень 22-це чи. (Рейтер агентствась). Течи Англиянть ды границань томбалкэнтъ туртов радио вельде выступил яволютома марто английской премьер-министрась Черчилль. Черчилль яволютась:

— Моем пользовинь возможностьсэ выступить тынк икеле течи чокшне, сеск што минь пачкодинек ней войнанть поворотной пунктнестэ вейкентень. Течи 4 чассто валске Гитлер каявезь ды эцесь Россиян. Германиясь эзь яволюто кодамояк жалоба сень коряс, што Германиянть ды СССР-нть ютксо ненападениядо договорось а топавтневи. Договоронть экшэ кекшевезь, Германиясь ютавтсь пек покш армиятнень пурнамо линиянть лангсо, кона моли Белой морянтъ эйтэ Черной морянтъ витьс. Германской военно-воздушной вийтне ды бронетанковой дивизияне аламонь-аламонь ды методически занясть эсест позициянень. Апак учо, войнанть апак яволюто, натой ультиматумонь апак тее, русской оштнень лангс кармасть пракшномо германской бомбат. Истямо ладсо, таго ульнесь еще седеяк пек покш размерса теэзъ сёрмадозь договоронь эрва кодамо форматнень ды международной доброй веранть коламо, конань свидетелке минь ульвинек Норвегиясо, Даниясо, Голландиясо, Бельгиясо ды конатнень Гитлер Муссолини шакалонть участиянзо марто коллизе Грециянть отношениясонтькак.

Русской народось вансты эсенэ родной моданзо, сонэ вождтне жо тердизь сонэ ветямс сопротивления педепес. Гитлер ашти чудовищакс верентень ды разбоентень эсенэ жаднойчисэнэ. Меленэзэ апак вите сеньсэ, што весе Европась ашти сонэзэ кочкаря ало или тандавтозъ ды пачтызъ низкой подчинениянть эрва кодат форматнес, сон ней ушодсь ютавтомо эсенэ верев ды разрушительной деятельностью Россиян ды Азиянть келей простортнестэ. СССР-нть лангс нападениясь Гитлеранть туртов ашти ансяк анокстамокс снартноманть пачтамс 400 или 500 миллион ломатнень, конат эрить Китайсэ, ды 350 миллион ломатнень, конат эрить Индиясо, человеческой деградациянть потмакстома пропастанть, конань велькесэ аравтозъ свастикань дьявольской эмблемася.

Черчилль яволютызе английской правительстванть декларациянзо седе, што сон пешкесе решимостеденть истожамс Гитлеранть ды национал-социалистской режименть. Минь зярдояк, мерсь Черчилль, а карматано ветямо переговоры Гитлер марто. Минь карматано чавомо сонэ мода лангсо, морясо, воздухо. Минь макстано Россиянть ды русской народонть хоть кодамо леске, кодамо ансяк сможем максомс. Минь тейдяно тердема весе минек друзьятнень ды союзниктнень модань шаронь весе пелькстнестэ модемс секе жо кидванть ды кирдемс соненэ истя жо, кода минь-гак, преданнойстэ ды кеместэ педепес.

Минь предложили Советской Россиянть правительстванть хоть кодамо технической или экономической деске, кона-нень минь способнойдыо ды кона может улеме лезэвкс соненэ. Минь карматано бомбардировамо Германиянть чить, истя жо ветькак, седеяк яла пек виевстэ ёртнемс сонэзэ лагс седеяк яла пек ламо бомбат ды карматнемс Германиянть марямо эрва ковто седеяк яла пек штигстэ несчасиятнень, конатнес сон пачтизе человечествованть.

Знаменательна, што ансяк исяк английской авиациясь, Франциянть территориянть велькесэ турезь ды тень пивгстэ аволь пек покш ёмаксонь теэзэ, истожась 28 германской боевой машина воздухо французской моданть велькесэ. Но те ансяк ушоткс: икелепел минек военно-воздушной вийтнень операциаст кармить модемс еще седеяк пек покш масштабсо. Маласо кото ковтнень перть карми ёвтавомо лескесэ, конань минь получатано Соединенной Штатнень пельде эрва кодамо характерань военной материалтнестэ ды сехте пек тяжелой бомбардировщиксэ.

Аволь монень кортамс Соединенной Штатнень действиядо, но мон могу мереме, што бути ансяк Гитлер арси, што Советской Россиянть лангс сонэзэ каявомась пачти хоть бу сехте вишкине разногласияс демократической мастортнень целест коряс или сынт виест лавшомомантень, конат решасть дпорок таламс сонэнэ, то сон пек манявкшны. Мекевланк, минь еще седеяк пек кемелгатано эсенек бажамозонок спасти человечествованть Гитлеранть тираниянень эйтэ, минь виевгаттано, но а лавшомоттано минек решимостеснек ды минек ресурсатнесэ. Россиян Гитлеранть эдемозо ашти аволь линияс мезекс, кода ушодмакс Британской островтнень лангс вторжениянть снартноманть. Сон, нама, надеи, што те может улеме топавтозъ еще теленть самс ды сон сможет саемс Великобританиянть седе икеле, кода Соединенной Штатнень флотось ды военно-воздушной вийтне смугут човоргадомс бороцямонтень. Сон надеи, што сон сможет таго одс теэмс, но тедэ икелень коряс еще седеяк покш масштабсо, эсенэ противниктнень вейкень-вейкень истожамонь процессанть, кода истя кувать соненэ удалакшность. Тедэ мейле сон карми добиваться Западной полушариянть подчинениянзо.

Тестэ лисни, што Россиянть туртов опасностесь ашти минек опасностекс ды США-нть опасностекс, истя жо, кода эрва русскоенть тевезэ, кона бороци эсенэзэ моданзо ды кудонзо кис, ашти модань шаронь хоть кодамо пелькесанть свободной идеянтень ды свободной народтнень текекс.

(ТАСС).

Отв. редакторось А. ЩЕГЛОВ.

СССР-нью Верховной Советэнь Президиумонь Председателесь М. КАЛИНИН.

СССР-нью Верховной Советэнь Президиумонь Секретаресь А. ГОРКИН.

Москов, Кремль. 1941 нень июнень 22-це чи.